

Awor polis por actua segun e ley

Aruba a haya Centro di Control di Cacho cu ta pa hiba cachonan cu wordo confisca of haya riba caya



ORANJESTAD (AAN): Den un temporada cu hopi incertidumbre, e ta magnifico di por anuncia cu apesar di tur desafio, e comision di accion a logra cu nan prome paso pa cu e Plan Nacional pa atende cu e problematica di cacho na Aruba. E inauguracion di e Centro di Control di Cacho a bira realidad. Pero pakico awo? Kico ta e prioridad pa bin cu algo asina awor aki? Tin cosnan mas importante pa atende y cu sigur tin hopi mas prioridad. Di maart 2019 a pidi un adviescommissie, e petit comité, pa diseña un plan pa atende cu e problematica di cacho na Aruba.

Na november a instala e comision di accion, e actie comité, pa percura pa ehecutacion di e Plan Nacional cu a wordo diseña. Esaki den interes general pa nos pais. E tema di cacho di caya, manera cu ta wordo yama crioyamente y e molester cu e por y ta causa, ta afecta TUR hende. No ta importa si bo tin cacho of no. Pa esnan cu tin cacho, e preocupacion ta obvio. Pero laga mi toca esnan cu no tin cacho, of pio ainda, cu no ta gusta cacho mes. Nan tambe ta wordo afecta. Pues si, asta cacho ta un interes general y ta importante pa nos soluciona e problema di cacho mas lihe posibel. Porta cu un simpel ehempel mi por splica esaki miho.

Imagina bo cu bo ta un deportista of un amante di canamento, of door di Covid-19 bo a dicidi di cuminsa practica deporte activamente. Bo no tin cacho y bo no ta gusta cacho. Bo ta bay core bicicleta y of core of cana pa bo salud. Bo ta topa un cacho riba caya cu por ataca bo, of molestia bo, cu tur consecuencia cu esaki por tin. Bo ta keda herida y asina bo ta keda afecta pa un cacho. Bo no gusta of bo no tin cacho, y toch bo ta haya bo den un situacion cu inesperadamente bo ta wordo afecta pa un

cacho. Cu inauguracion di e lugá aki, Gobierno ta demostra di a pone atencion na e problema cu e cachonan ambulante por causa na nos ciudadanonan. Cu e paso cu ta tuma awor nos ta purba di alivia e ciudadano di su problema. E lugá aki ta un paso esencial pa remedia e situacion actual y agudo di e problematica di cacho na Aruba. Mester ta consciente cu mayoria di cacho riba caya tin un doño; sea e doño tin un problema pa tene su cacho den cura, sea e doño a deshaci di su cacho. Cacho mester ta den cura, esey ta ley! Awor polis por actua segun e ley cu ta na vigor desde aña 2015 y awor, cu e Centro di Control di Cacho aki, porfin nan tin un lugá cu nan por hiba cachonan cu wordo confisca of haya riba caya.

Cu e centro aki tambe ta cuminsa e proceso di elimina e asina yama 'afmaakhok' of 'kill cage', cu ta duna nos isla un mal number. Lamentablemente debi cu hopi no ta un doño responsabel di nos mascotanan, un lugá manera esaki a bira necesario loke kizas ta un realidad indesea. Pero e situacion ta manera cu e ta. Si no tabata tin doño irresponsabel cu tin e necesidad di deshaci di nan mascota, e existencia di e lugá lo no tabata necesario.

Na februari 2020 a cuminsa cu e transformacion di e lugá aki. Despues Covid-19 a yega Aruba y tur construccion para y apesar cu e transformacion tabata cla, e trabou no por a wordo entrega. Door di doño irresponsabel cu tabata laga nan mascota indesea atras den becindario, apesar cu e lugá tabata cera, mester a habri e lugá bek den su funcion bieu. E comision di accion a percura pa por inaugura e lugá aki mas pronto posibel y awe esaki a wordo realisa y entrante awe tambe, e tin su funcion nobo.

E problematica di cacho ta amplio door cu mester atende cu e "kill cage" y cu e ley di cacho tambe, cual ta rekeri un approach multi-disciplinario. Tras di pantaya di e prome paso aki, tin cuater ministerio envolvi. Pues, algo cu por aparenta di ta sumamente facil tin su trayectoria cu e tin cu cana, loke por haci cu e proceso a dura un poco mas largo cu a wordo anticipa.

E comision di accion kier pidi tur hende, amante o no amante di mascota, pa den un esfuerzo comun, yuda pa por logra resolve e problema di cacho y di pushi na Aruba. Esaki ta djis un comienso. Nos no t'ey ainda, pero e ta un comienso.

Gobierno lo y a haci su parti pa cuminsa e movimiento aki atrobe y lo sigui haci su parti pa duna autoridadnan e hermentnan necesario pa por actua debidamente. Polis por actua, actua! Si bo tin mascota, sea un doño responsabel! Si bo no tin mascota y bo ta desea un, adopta un! Si bo wak un 'cute' riba caya, hink'e den bo cura y cuida p'e! Si bo no tin mascota y bo ta wak maltrato di bestia, raporta esaki! Ban tur huntu combati abuso y negligencia di bestia y soluciona e problema di animalnan riba caya.



DIARIO
ARUBA'S #1 NEWSPAPER

COVID-19 Ultimo informacion

1 Juli 2020

ARUBA

COVID-19 (+)	103 (0)	Getest	2412 (+51)
Negativo	2360 (+51)	Activo	2 (0)
Cuarentena	0 (0)	Recupera	98 (0)
Morto	3 (0)		

Datonan den (...) ta indica un comparacion cu e dia anterior


DEZHI
 Directie Economische Zaken,
 Handel en Industrie

Departamento di Asuntonan Economico,
 Comercio y Industria
Prijnsnan Maximo crisispakket



Conforme regulacion ministerial (Prijsregeling bijzondere en tijdelijke maximumprijzen COVID-19) a keda stipula prijsnan maximo di benta pa e siguiente productonan, entrante 1 di juli 2020

Articulo/Marca	Contenido	Prijs maximo di benta na e detallista (Afl)	Prijs maximo di benta na e consumidor (Afl)
<u>a. Toilette paper</u>			
Noky			
-2 ply, 80 sheet roll	<u>Gelezen:</u> 15/1 roll	23,92	1,93
-2 ply, 200 sheet roll	12/4 roll	28,86	2,92
-2 ply, 200 sheet roll	48/1 roll	30,38	0,77
-2 ply, 250 sheet roll	48/1 roll	33,42	0,84
<u>b. Alcoholproducten</u>			
Cleanhands			
-anti-bacterial, gel	<u>Gelezen:</u> 237 ml.	4,47	5,42
-anti-bacterial, gel	500 ml.	5,87	7,12
DMM-VISSION			
-70% anti-bacterial, gel	<u>Gelezen:</u> 1/liter	11,49	13,93

Nota: Pa eventual kehonan, fabor tuma contacto telefonico na 5212423.

Proximo publicacion lo tuma lugar dia 15 di juli 2020. Peticion pa aumento di prijs mester wordo entrega prome cu 8 di juli 2020 pa por wordo procesa.